

馬石田先生集

馬石田先生集

馬石田文集卷第三

七言律詩

用樂天韻因效其題詠閑意

繅絲車響雨來稀
菴畫圖中住翠微
村北村南桑扈叫
家前家後竹鷄飛
青憐藤蔓春牽屋
綠愛荷盤夏剪衣
更憶江天家萬里
行逢僧子借船歸

寄王繼學待制

奎文爛々繞樞旁
一代詞臣屬馬楊
天碧綾浮鳶誥濕
水蒼玉動鵲袍光
侍祠竹殿諱靈幣
奏對楓宸拜帝觴
籍甚聲華才更逸
如何三十不為郎



石田先生文集卷三
壽郝大叅

退傳歸來髮尚青
角巾閑對老人星
鳳凰池上諱松閣
鸚鵡洲邊買竹亭
留客只談三里霧
見人不問五侯鯖
慚無剗邠為公壽
他日淮南種茯苓

和張孝清司農喜雪二首

剗船乘興便閑來
不問樽罍幾日開
春水起時寒欲盡
梅花多處氣先催
天街綽約清光遍
雲幌依稀舞影迴
已是豐年調玉燭
京華倦客豈攸哉

萬木鱗皴凍欲驚
曉雲一色望中迷
紛披紈素拈花樹
點綴珠璣布稻畦
沙嶼有聲鳴夜鶴
冰溪無影照山鷄

山仙客多清興閑日題詩對紫泥

寄隱士

林下蕭然一病身可憐家計若為親
葛花藤蔓供山貢菰米蓮房給水珍
鶴子見貧能代僕犬兒知主會憎人
清朝日々弓旌出誰說巢由不肯臣

送趙敬甫侍御赴江西鎮

南昌會府盛才猷駟馬辭天又此遊
二十八州當左轄幾千百里望前旒
江明旌節文魚躍秋入衣裳畫鷁浮
若見昔年徐孺子急須下榻問名流

寄吳真人二首

彈琴峽北翠華遊
仙子翩翩夾御輶
日觀占雲乘顥氣
星壇回斗酌河流
菊花香晚思三楚
桂子秋高下十洲
應憶南都舊狂客
青田歸鶴作書郵

竹宮日近鳳凰遊
龍輅秋清白玉輶
羽服侍嚴天帝子
鵷冠書讀道家流
雲高塞嶺松生石
霜入江鄉橘滿洲
仙客通靈塵慮盡
南風日々作詩郵

寄王繼學

天北颶風去馬輕
葛巾清景駐瑤京
裁書綵筆卿雲爛
照字青藜子夜明
簷鵲聲乾人問訊
烏鳬飛慣客驚迎
靈槎八月應南下
夜聽銀河有浪聲

奉和奧屯都事秋懷

靈河七夕巧雲稠墜露聲清夜得秋月冷桂花飄左界
山寒一作空一作深荔子落東甌人憐紉縞裁衣袂誰借蒲葵
剪扇頭竹影近窓砧杵急夢隨南客問行舟

九日在告

青山到屋三十里瘦馬不能閑一過欲趁重陽浮菊蘂
轉愁落葉下岩阿南鴻帶雨秋飛急北谷來霜夜杵多
病裏題詩遣野興何人携酒興高歌

送侍御之南臺

雲蕊天然拂曙橋鍾陵松檜識南朝臨書應憶晨趨漏

把酒何妨夜聽潮官美當年裁錦繡時清今日奏簫韶
佇觀名對通明殿別擬題詩寄使輶

送王眉叟真人還錢塘

濤江秋半潮頭起來鶴亭高瞰雪堆白氎仙衣分鷺羽
綠華洞府乞松栽閑留長日人間住獨伴飛雲海上迴
何事而今東去疾孤山十月早梅開

題若容

擊劍酣歌白日迷高情邈々見天倪石潭藻舞魚深泳
花嶼春明鳥自啼架上道書研宇宙篋中衣帶剪虹霓
洞房清晝奩香轉坐聽東街馬過泥

雙頭菊

金屈卮邊醉袖垂
秋雲如幄貯仙姿
寒生小靨迴鵝動
香入流蘇睡鴨移
結綫巧承西顙曲
落鈿羞帶月支眉
青霜為我催憔悴
銀屋何人怨別離

壽故相秋谷

鄴侯書帙滿高堂
韓國封圻啟故鄉
鳩杖倚雲吟雪岫
鳳笙吹玉薦霞觴
人間宰相青霄近
天上神仙白髮長
豈獨壽星明子夜
春風岑蔚長琳琅

壽開々真人和吳養浩博士韻

太乙壇高夜氣寒
三芝八桂影闌干
寶雲靈獸青金鼎

素靄凝冰白玉冠竹雪珊々承步響松花拂々落衣乾
高真御氣仙官應南極星騎五色鸞

壽中丞公

石室巾箱爛卿雲芝庭旌節照秦軍三珠樹茂仙官應
二葉堯生壽曆聞皎々素心凝北雪垂々白髮濯南薰
太微光氣明如水坐見臺烏集夜分

送道士趙靈一祠海岳

三珠樹影滿雲間萬里南天去鶴閑弱水浮舟求玉磬
玄都結襪繫瑤環吹簫谷口雲遮路貰酒江邊月動山
仙子無心問塵俗手中空握五芝還

送忽都達兒著作祠岳瀆戊午狀元

日長東觀著書清
絳薦龍香為帝擎
山發靄銀甕出
河宮迎節馬圖明
行觀諗俗期星使
歸奏蕃釐拜月卿
千里楚鄉乘傳去
關人應識棄繻生

和張蓬山司農韻

蓬山高對石淙莊
水磴飛輪日濺霜
后稷官清芝檢濕
杜陵天近竹練涼
顓詩獨喜輕紈素
書笏重須奉赭黃
下客楊雄貧嗜酒
只今先有碧筩觴

和繼學郎中送友歸越中

薊門東望海無波
誰許山人問薜蘿
雀舫春聲留水薦

鵲袍秋影動天鷲鑑湖草滿芙蓉少鄞縣水一作潮來牡
蠣多羞見京塵遮帽頂羊裘亦欲換漁蓑

贈劉時中

江海歸來氣尚豪立談便合擁旌旄青衿令子箕裘美
白髮賢妻井臼勞才大豈能期世用數奇還不救名高
公卿知己吹噓易咲我官曹似馬曹

挽何得之先生

手織烏紗日賣錢全家閑住五雲邊伏生有女書室在
伯道無兒世共憐北市行歌花爛熳西亭坐嘯月嬋娟
少微光氣今年闇知是詩隨過海船

應制壽趙國公

聖德如天念老臣
詞林奉詔製詩新
龜齡何籍依潭菊
鶴髮偏宜對雪筠
八蜡節迎千室飲
三公官貴一身貧
角巾野服林亭下
正是耆英社裏人

過錢塘

老翁八十能鉏豆
記得江南亡國時
驕將臨邊方棄甲
孱王入海却張旗
過秦才子方頭白
辭漢仙人豈淚垂
東觀史臣班馬行
乞書今古作元龜

錢塘潮

石橋西畔竹棚斜
閑日浮舟閱歲華
金鑿懸崖開佛國

玉分飛瀑過人家風杉鶴下春鳴埵兩樹猿啼暝躡花
欲賃茭田來此住東南更望赤城霞

追和許渾游溪夜回韻

溪水連雲過竹間溪聲雲影半潺湲鶴來近屋童看熟
鷺下長松客對閑直待月痕侵石塢還期烟色認柴關
人生豈獨官為貴好向君王乞越山

書事

伏蒲論事屢逢訶白髮而今更索何好去仙山尋種杏
敢期帝里要鳴珂囊中舊笏書青竹篋裡新袍稱紫荷
百畝湖田三畝宅南天春雨白鷗多

蓋善長御史泗濱堂

泗水千年碧似藍
泗濱華屋締榱桷
人從魯北耕春雨
山自徂徠供夕嵐
方印只今垂組紐
長檠猶獨近書龕
天邊僂客滄洲遠
卷裏題詩興未堪

奉和新除袁侍謨見寄

周京宴鎬漢汾河
蓬繪何須丙穴槎
東觀橫經環壁水
承明寓直賦卷阿
人間玉價連城少
天上文奎左界多
長日相思南望切
義車休怕魯陽戈

賦王叔能宅芍藥

鶯粉分奩艷有光
天工巧製殿春陽
霞繒襞積雲千疊

寶盃脂凝蜜半香並蒂當階盤綵帶金苞向日剖珠囊
詩人莫詠揚州紫便與花王可頡頏

用繼學郎中韻再賦

花入簾櫳草映裙春雕紅玉百粵分重々艷暈寒浮露
拂々穠芳暖撲雲秉燭客來追貴主結褵人去嫁夫君
韶華未逐東風老薇省題詩酒半醺

上京翰苑書懷 三首

沙草山低叫白翎松林春雨樹青々土房通火為長炕
羶屋疏涼啟小櫺六月椒香駝貢乳九秋雷隱菌收釘
誰知重見鰲峯客颯々臨風鬢已星

門外春橋漾綠波，回尋紅藥過南坡。已知積水皆爲海，不信疏星又隔河。酒市杯陳金錯落，人家冠簇翠盤陀。薰風到面無蒸暑，去鳥長雲柰客何。

萬里雲沙碣石西，高樓一望夕陽低。谷量一作深牛馬烟霞錯，天險山河海岱齊。貢篚銀貂金作藉，官窰磁蓋玉爲泥。未央殿下長生樹，還許尋巢彩鳳栖。

自和星字韻

天路扶搖上鳳翎，龍岡初雨佛螺青。不須李實沉冰井，却愛花陰轉月櫺。蠻府納琛珠度經，精藍浮屋木攢釘。要知聖世求賢急，夜々官占處士星。